

周  
官  
心  
解

周官心解卷第十六

諸暨楊莊蔣載康闡訂

後學劉潮校刊  
受業姪孫上球

春官宗伯第三之六

○大史掌建邦之六典以逆邦國之治。掌灋以逆官府之

治。掌則以逆都鄙之治。

大音泰。六典入灋八則。冢宰所建以治邦國官府都鄙而大

史亦掌建蓋與冢宰同建也。惟同建故冢宰所逆大史亦得逆之而攷其治否。王任冢宰而仍知天下之政者。以此大史及內史二官也。大史正歲年典灋則三者皆歲建可知。緣邦國有增封黜削官府有更易都鄙之大小又因官位以改移也。  
○凡辨灋者放焉不信者刑之。辨邦國官府都鄙以

灋爭訟也。攷攷諸典灋則疏不信妄冒不信按立灋至明至於訟辨則不信者妄冒所致故必刑之。

凡邦國都鄙及萬民之有約劑者藏焉以貳六官六官之

所登

劑津私反。此約劑大事要約之盟書貳副盟約約劑藏於司約事大則各書一通登於六官及大

史藏其貳也。大司寇凡邦之大盟泄其盟書登之天府大史內史司會及六官皆受其貳而藏之是也。六官之

所登六官二字疑衍。○若約劑亂則辟灋不信者刑之。辟旁亦反

劑既爲約劑卽一成不可易故曰灋也。此約劑亂背大盟約而訟也。辟開也。辟灋開關六官所藏與大史所藏

而驗之刑殺也。秋官司約若有訟者餌而辟藏不信者

墨若大亂則六官辟藏不信者殺此大史與六官共辟不信必服重刑矣。

正歲年以序事頒之于官府及都鄙。

註中數曰歲朔數曰年中朔大小不齊正

之以閏以次序授民時之事王昭明日頒於官府都鄙  
則王國之事序矣按二十四氣周爲歲十二月周爲年  
一歲三百六旬又五日四分日之一年則三百五十四  
日而已故以年而核之歲則饒十一日三時正之者三  
年一置閏五年再置閏以消其贏數又令月之少大與  
氣之後先皆準的而不差也以此大敘其事而頒之斯  
官府都鄙之遵奉而行者無不與天道相準而政令可  
以不乖事卽八瀆八則中事故頒之於官府都鄙下頒  
之邦國則六典中事亦因歲年敘次者此經有正歲  
正月正歲子月卽春秋正月正月則春秋三月也儒說  
多倒易歲月又以此經爲正歲卽正夏正之歲正年卽  
正周正之年誤不可從此大史授時事也周家授時  
掌於大史卽唐虞羲和之職所敘之事卽典瀆則三者  
因天時乃有功也下馮相保章二職同司天象而次小  
史之後  
○頒告朔于邦國告音谷。亦承正歲年以序  
以此  
國也註天子頒朔於諸侯諸侯藏  
之祖廟至朔朝於廟告而受行之  
○閏月詔王居門終

月註門路寢門也鄭司農云月令十二月分在青陽明堂總章元堂左右之位惟閏月無所居居於門故於東主在門謂之閏按居門當兼明堂路寢言閏月視朔於明堂門眠朝畢居路寢門也明堂位犬廟天子明堂惟魯有此制賈氏并謂周家宗廟路寢皆同此制無據非是且古置閏惟在十二月魯文公時閏三月卽以爲非禮不如後世四時皆置閏也謂閏月各於時之門更非

大祭祀與執事卜日

執事豕宰宗伯犬卜之屬占人史占墨大祭祀視墨者犬史下此則小史

視墨可知

○戒及宿之日與羣執事讀禮書而協事

禮書大祭祀行

禮之書藏諸大史者大祭祀禮盛事繁必合羣執事共舉慮有未協故戒之日讀而協之宿之日又讀而協之也說戒散齋宿致齊讀禮書○祭之日執書以次位常而協事恐事失錯物不供也○祭之日執書以次位常書卽上禮書位羣執事所次常羣執事定職前旣再讀以協事至祭又執事一一次序各居其位以揚職也

○辨事者攷焉不信者誅之。數人共舉一事或事不同而相似皆須辨別攷仍攷

諸禮書不信註謂抵冒職事抵冒則事不可協安得不誅

大會同朝覲以書協禮事。此書會同朝覲行禮之書也亦先時讀書以協之○及

將幣之日執書以詔王。諸侯將幣會同朝覲即事之日也書即前協禮事之書前協禮

事恐諸侯違禮此執書詔王防王失禮也

大師抱天時與大師同車。與大師之大音泰。天時占候之書用兵忌犯天道陳不違晦

而楚敗犯歲伐越而吳凶故大師大史抱天時也必與大師同車者大師以同律聽軍聲知吉凶必同車乃參

互而得實

大遷國抱瀙以前。大遷國非不得已而遷即文王遷程遷豐武王遷鎬皆大遷也洛邑定鼎亦其

類禮即典禮則三者既大遷三者必須發以示更新故抱禮前行以俟王至

大喪執禮以泣勸防泣喪祝也禮亦書冊中具設除飾及脫載引匱下棺等事而慢易之罰亦

備於是書○遣之日讀誄遺棄戰反。誄。遺祖廟之庭。大莫將行時也。人之道終於

故亦云禮○此累其行而讀之按此大師帥瞽而廡作柩諡時也疏會子問惟天子稱天以誄之先於南郊制諡於遣之日

讀之葬後○凡喪事攷焉喪大事不可不盡禮大史掌禮書於喪事至詳故王以下

則稱諡必考之○小喪賜諡疏君親制諡使大夫賜之按小喪賜諡該公孤卿大夫諸侯

而行也○凡射事節中舍算執其禮事中丁仲反舍音釋。鄭司農曰中以盛算註舍讀釋設算

於中射中則釋之鄉射禮君國中射則皮豎中於郊則

聞中於竟則虎中大夫兕中士鹿中天子中未聞按飾中爲中設飾其物儀亦未聞疏大史主禮天子諸侯射先行燕禮後乃射其中禮事皆大史掌之

○小史掌邦國之志。莫繫世辨昭穆。若有事則詔王之忌諱。莫音定一如字繫戶計反。邦國之志專指侯國言兼同姓異姓庶姓同姓定其繫世則知其出於何王異姓定其繫世則知其於王姻親幾代庶姓定其繫世亦令知先世王侯往時勲德也定考而定之昭穆傳世不同或兄終弟及或祖死孫承尤當辨別令不混淆死日爲忌名爲諱有事王居其祖廟及使臣行聘皆不得犯之故以詔王。

大祭祀讀禮灋。史以書敘昭穆之俎簋。大祭祀兼大神大鬼大示禮盛事嚴讀禮兼讀灋警慢易也書敘昭穆之俎簋專指享大鬼俎盛牲體簋盛黍稷每世當具一牢者三昭三穆若吉禘大禘既祧之主昭共一牢穆共一牢故以書敘之令執事異共也。

大喪大賓客大會同大軍旅佐大史。凡國事之用禮灋者。



掌其小事。鄉大夫之喪，賜諡，讀誄。

註：讀誄，以大史賜諡，為節事相成也。按：讀

誄者，小史賜諡，則大史也。亦兼公孤及諸侯讀誄。

○馮相氏掌十有二歲，十有二辰，十有二日，二十有

八星之位，辨其敘事以會天位。

馮音憑，相息亮反，有音又會如字。歲，歲星，天

之福神所次之辰，其下有福。每歲右行一辰，十二歲一周天。攝提格歲在寅，單閼歲在丑，執徐歲在子，大荒落歲在亥，敦牂歲在戌，協洽歲在酉，涒灘歲在申，作噩歲在未，闕茂歲在午，大淵獻歲在巳，困敦歲在辰，赤奮若歲在卯。此歲星十有二歲之常位也。月二十九日，餘一周天，復與日會，故月分大少。少月二十九日，大月三十日，故大少六。大凡十二月而成一年，餘分十一日，又四分日之一，以俟置閏。大約固如此，而每月所躔朔望二弦，其位不同。如：既月合朔於亥，對望於巳，申上弦，寅下弦，如月合朔於戌，對望於辰，未上弦，丑下弦，癸月合

朔於酉對望於卯午上弦子下弦余月合朔於申對望  
於寅巳上弦亥下弦皋月合朔於未對望於丑辰上弦  
戌下弦且月合朔於午望於子卯上弦酉下弦相月合  
朔於巳望於亥寅上弦申下弦壯月合朔於辰望於戌  
丑上弦未下弦元月合朔於卯望於酉子上弦午下弦  
陽月合朔於寅望於申亥上弦巳下弦辜月合朔於丑  
望於未戌上弦辰下弦涂月合朔於子望於午酉上弦  
卯下弦以月之位爲準庶少大置閏與二十四氣不甚  
相遠而應乎天十二辰卽十二支所屬宮舍如子曰元  
枹丑曰星紀寅曰析木卯曰大火辰曰壽星巳曰鶉尾  
午曰鶉火未曰鶉首申曰實沈酉曰大梁戌曰降婁亥  
曰娵觜是也每辰三十度有奇合十二辰則三百六十  
五度四分度之一日行周卽爲一歲卽至高之宗動天  
其旋至疾爲列宿所不能及一日所旋歷萬年而如故  
故日度於此紀月行於此候四時七十二候二十四氣  
悉於此分允九天之宗主也其位則北位三娵訾元枹  
星紀是也東位三析木大火壽星是也南位三鶉尾鶉  
火鶉首是也西位三實沈大梁降婁是也七政之宗主

在日十日卽甲乙十千配十二支以紀日者千十日而  
徧支十二日而徧凡歷六十千則周十二支而爲一花甲  
一甲六十日則日歷六十度而幾徧二辰從此又加五  
花甲十千之半又析日四分之一則日周三百六十五  
度四分度之一徧十二辰而爲一歲矣約日之位次陳  
月合朔於亥至雨水則入戌如月合朔於戌至春分而  
入酉朔月合朔於酉至穀雨而入申余月合朔於申至  
小滿而入未皋月合朔於未至夏至而入午且月合朔  
於午至大暑而入巳相月合朔於巳至處暑而入辰壯  
月合朔於辰至秋分而入卯元月合朔於卯至霜降而  
入寅陽月合朔於寅至小雪而入丑辜月合朔於丑至  
冬至而入子涂月合朔於子至大寒而入亥此古灋也  
二十八星顯象於列宿天東象蒼龍爲角亢七宿之位  
南象朱鳥爲井鬼七宿之位西象白虎爲奎婁七宿之  
位北象元武爲斗牛七宿之位四宮十二次出入赤道  
內外日與月五星躔度於此因此紀七政所次卽於此  
測十二辰之度以有象可驗也然宗動高而疾列宿居  
其下而稍遲凡六十二年則退一度六百二十年退十

度一千八百六十年則退一宮十二宮退盡又復原位則二萬二千三百二十年所謂歲差也星既歲差則十二宮星必每歲循其退數以爲準而仍合所舍之辰以定其位則宮度可以不禁而七政乃有確實之驗也不知歲差者由誤認二十八星卽十二辰故也觀此經十二辰與二十八星分見非立差瀆之明驗邪序事卽大史所敘典灋則之事頒之邦國都鄙官府者會合也十二歲十二月十二辰十日二十八星之位皆天位天位因時遷移毫釐不爽大史所序或失其時則與天位不合矣必辨之會合之欲其不失時也

冬夏致日春秋致月以辨四時之敘

致以土圭度表景以求氣之至也典瑞土

圭以致四時日月冬夏致日度日景以求二至春秋致月度月景以求二分則四時不忒而各得其敘冬至日行赤道南二十四度而晝極短夏至日行赤道北二十四度而晝極長故致日二分則日行正當赤道晝夜平分雖月春行赤道秋行白道而二分時二道皆交於赤道故致月此灋後世不用夏至日景一尺五寸合於

土圭冬至一丈三尺之說則未敢信二分月景註已不言知其濃亡久不可億度也授時重二至二分以分至皆中氣大陽於此過宮而又中分四時於此得準的不差而後四時之節氣時刻無不與天行相符台也然尤重二至蓋自古迄今推甲子以授時必求之於冬至凡章部紀元減閏月以合天使四時萬世不紊胥由於是故也自漢以來推算皆誤總由劉歆三統增竄之害不可不知註說冬至日在牽牛及夏至東井春分在婁秋分在角此承訛也周初冬至日在女合朔於牽牛耳汲冢周書惟一月既南至昏昴畢見日短極基踐長微陽動於黃泉此言冬至又云是月斗柄建子日月俱起於牽牛之初此言合朔按之在至前十日至日已右行十一度在古女二即今女四度與牽牛無涉鄭氏承訛因劉歆三統麻之誣妄而不見汲冢文故也後世推算家無不據此以爲冬至日在牽牛夏至東井二分集角致推步舛誤遺害數千年劉歆誠千古罪人也李茂夫曰日在南行疾歷故春分日已過交二度日在北行縮歷故秋分日猶未及交二度古來欲得氣至之正

爲難。今西法以春秋二仲日月對望時求二分以冬行南。地上天少。地下天多。夏行北。地上天多。地下天少。日月東西相對。或非真望。惟春秋分行中道。日月對衡於地平。天體上下適均。乃爲真望。而易推。又日月之望。有對宮不同道。然平分天度。皆爲望限。或望未及卯酉之交。或過交後望。及前後有閏二分。或在月首。或在月杪。則因真望增損。推至交道。晷刻卽得氣至之正。而無過不及之差。按二分測候。大陰西法殊善。然非卽馮相致月之法。以西人用測候。馮相度月景法固殊異也。

○保章氏掌天星以志星辰日月之變動以觀天下之遷

辨其吉凶。

掌天星句綱下雲物十二風皆天事九州分星十二歲之相皆占天星星辰日月惟辰無

星日月與五星列宿各一重天居辰之下辰則無星之宗動天也無一非天事也然此經辰字指三垣十二宮星以十二辰無星無變動也變動五星不循道關犯相食芒角變色等辰則亡失隕墜及改移變色動搖日月

則相食侵象等事四者變動多凶然亦有吉如日中王  
字五色月旁瑞氣戴氣五星木青火赤土黃金白水黑  
三垣二十八星之瑞氣瑞象皆是觀天下之遷者經星  
於事物各有所主如王侯將相車旗倉廩農夫雞狗穀  
芻亦兼主地域如斗七星主七方天市垣星主二十二  
國女下十六星爲十二國是也五星歲爲福德主五穀  
東方海外其所主也約之當屬青兗等處外四星不著  
所主事物所主之地則熒惑主荆揚鎮星主豫大白主  
雍辰星主冀并幽若日月所主則日主君月主后日主  
德月主刑日中國月胡地也遷者遷移變動或由小而  
大或由大而小地或自此之彼自彼之此也註志古文  
識記也疏馮相氏掌日月星辰依常度者此掌其變動  
以見吉凶之事

以星土辨九州之地所封封域皆有分星以觀妖祥分奉  
。舊說以壽星起角亢主辰地鄭國終於鶉尾已地楚  
國按十二次牽強難通卽一行雲漢升沈山河地絡之

說無足信也及得徐圖臣天元庠理所載地正圖天星  
地域上下相符實爲近理爲訂其舛誤而著之夫角亢  
之所以爲鄭分者鄭卽戰國之韓韓當地辰申未之交  
直天辰之鶉首地皇時角亢二宿次焉故二宿爲鄭分  
星氏房心所以爲宋分者宋居南方自國都以西當午  
未之交直天辰之鶉火地皇時氏房心三宿次焉故三  
宿爲宋分星尾箕者越分越居浙東南極閩海當巳午  
之交直天辰之鶉尾地皇時尾箕二宿次焉故二宿爲  
越分星建牛所以爲吳分者吳當地辰辰巳之交直天  
辰之壽星地皇時建牛二宿次焉故二宿爲吳分星女  
虛危所以爲齊魯分者齊魯東方國當地辰辰卯之交  
直天辰之大火地皇時女虛危次焉故三宿爲齊魯分  
星室壁爲衛分者衛兼邯鄲當地辰寅卯之交直天辰  
之析木地皇時室壁次焉故二宿爲衛分星奎婁胃爲  
燕分者燕國於薊當地辰寅丑之交直天辰之星紀地  
皇時奎婁胃次焉故三宿爲燕分星畱濁爲趙分者趙  
居正北極於塞北之遠當地辰子丑之交直天辰之元  
枵地皇時畱濁次焉故二宿爲趙分星參罰爲晉分者



晉跨西河東西當地辰子亥之交直天辰之嫫訾地皇  
時參罰次焉故二宿爲晉分星狼弧爲秦分者秦故封  
秦州常戌亥之交直天辰之降婁地皇時狼弧二宿次  
焉故狼弧爲秦分星注張星爲周分者周都豐鎬今西  
安當地辰酉戌之交直天辰之大梁地皇時注張星三  
宿次焉故三宿爲周分星翼軫爲楚分者楚故封鬼方  
卽今黔地遠在荊州之西當地辰酉申之交直天辰之  
實沈地皇時翼軫二宿次焉故二宿爲楚分星如此則  
四正八隅皆順其位次而趾趾不亂豈非確然可共信  
者耶姪錦川曰星野之說明晰至矣然姪竊有疑焉古  
說以斗牛當吳越燕則尾箕今何以不取星紀而取尾  
箕爲越分且實沈爲晉分見於左氏而以嫫訾言之似  
於古經有背曰有天辰有地辰二十八星則分主地辰  
以爲列國分星而繫象於列宿夫列宿歲差凡六十二  
年退一度一千八百六十年退一宮地皇時參罰二星  
適當嫫訾地皇主地理故以二星爲西河左右分星蓋  
取天星與地辰非沾沾於天辰之適然相值也人皇以  
後列宿旋退三宮參罰適當實沈故以參主晉而曰實

沈參輔此以辰表星非連辰言星也若天象見尾箕就  
列史所載切按之則應不在燕而在越越分在尾箕不  
大可見乎曰古無以尾箕爲越分星者究何所據曰徐  
圖臣曰昭公三十二年吳伐越晉史墨曰越得歲而吳  
伐之必受其凶後越果滅吳按是年歲星實居尾箕徐  
氏測天寧盡符合至其辨歲差推交食及五緯躔度允  
爲至精此說信不易之論也如以爲難信試以五緯段  
目詳悉推之古二十八星與今別異去斗著建月令  
同狼弧近井鬼故以相易豈卽昴濁卽畢也注卽柳天  
官書曰柳爲鳥喙古張日星月故張爲中星而星居左  
以又名七星故訛張爲星耳然天官書曰衡殷南斗南  
斗張也七星形類北斗故也史記張星未易故云爾從  
古爲允又參參旗也參與罰連體第言罰不取參也  
星土十二而舉九州據周時輿地也然言九州則明有  
中州矣中州卽河濟之間今河南北地北斗七星分主  
之封域分星同宮而星異同星而度異分各不同故必  
辨而觀之妖祥在本星者明潤無犯則吉掩食昏暗動  
搖皆凶在他星者如日月之變異五緯之守犯景星含

譽之祥長星等  
字之妖皆是

以十有二歲之相觀天下之妖祥

相息亮反。歲星五星

歲止歷一舍耳。然爲天之福神。故獨觀之。曰相則趨舍而前退舍而縮。所居所主及圓角動搖皆規之矣。必以十有二歲言。或應在本歲。或應於十二歲也。然吉凶恆不主一國。如歲星失行去衛如魯。則衛君死而魯土卿如淫於元。嫫女虛齊分而應在參。罰之晉君則三合占應也。其他或在本宮。或在衝對。不可方物。故曰觀天下之妖祥。鄭剛中曰。歲星色欲明光潤澤赤而角。則其國昌。赤黃而沈。其野大穰。

以五雲之物辨吉凶水旱降豐荒之祲象

天地間裁祥禍福皆五行主之

故吉凶水旱必辨五雲之物也。五行東木南火中土西金北水降者以雲物之祲象。下示所及之方也。析之又  
有中州十二土之別。鄭司農云。以二至二分觀雲色。青爲蟲。白爲喪。赤爲兵。荒黑爲水。黃爲豐。故春秋傳曰。凡

分至啓閉必書雲物爲備故也按啓立春立夏閉立秋  
立冬司農獨著分至偏矣況雲物每日可占邪物當兼  
形象不止色也如卿雲稍雲彤亦殊別若赤鳥若紫雲  
如蒼紫赤言其色鳥及蒼亦形象也他若如樓臺如車  
輿如牛馬魚鱗皆當有占驗特亡其  
遺耳經明云祲象不得專指色言

以十有二風察天地之和命乖別之妖祥

十有二風非十

二辰皆有風也風止於八如乾爲不周風出亥辰而兼  
戌月戌無風也坎爲廣莫風出子辰而惟主子月艮爲  
條風出寅辰而兼丑月丑無風也震爲明庶風出卯辰  
而惟主卯月翼爲清明風出巳辰而兼辰月辰無風也  
離爲景風出午辰而惟主午月坤爲涼風出申辰而兼  
未月未無風也兌爲闔闔風出酉辰而惟主酉月辰戌  
丑未四辰無風故不得謂十二辰之風也傳曰八風從  
律而不奸舞以行八風註以十二辰訓釋非是必取天  
地之和者風出於天之列宿下與地辰之氣順應爲和  
反是卽乖別和爲祥乖別爲妖察和亦察乖別二語互

見命祥即命和之祥也

凡此五物者以詔救政訪序事

五物即前五事保章一審察以詔訪於此見先王

之敬天也至勤民也周大史序事而頒之者常政也災變見於天則當補救故詔大史以救政也大史不敢自擅當轉詔王及大宰訪序事者大史所序因乎時候遇災變則先後緩急當有變通註訪謀也按亦謀諸大史保章與馮相皆大史之屬馮相佐其常保章佐其變

○內史掌王之八枋之灋以詔王治一日爵二曰祿三日

廢四曰置五曰殺六曰生七曰予八曰奪

枋本作柄治直吏反下同

予音與。入枋王馭臣之大權大宰雖長六卿但以枋詔王而已內史直掌其灋見王威福獨操且灋有一定以灋詔之乃不至重輕任意也殺亦誅中事然威之至重惟殺故大宰不詔而內史詔王又見必灋所不赦然

後可殺必慎之又慎也。誅該五刑皆詳，八枋之儀，言殺舉重五刑皆詔可知。

執國瀆及國令之貳，以攷政事，以逆會計。

會古外反。國瀆，即大史與大

宰所建六典八瀆八則。大宰頒之邦國官府都鄙者，國令有二：其一爲大宰令邦國都鄙及萬民之治令而御史贊之者，其一爲外令使書乃王有事於外諸侯而外史書之以令諸侯者。瀆令既書，即入其貳於內史，使得據之以外考列邦之政事，內逆畿內之會計也。夫天子之所統分掌於六官，而六官又宰制於大宰，設委任匪人，則威柄下移。雖有令主，不得展其才而紀綱日弛矣。周公特設內史一官，使以貳卿之貴，居近王清要之地。瀆令所施咸入其貳，凡大宰所簡稽者，內史咸得簡稽之。即大宰所不得簡稽者，內史亦得簡稽之。如此則分掌於六官，而宰制於大宰者，大權仍歸於一人。此聖人盡善之法也。大比登民數，內史亦藏其貳，文不具已見小司寇及司民也。

掌敘事之灋受納訪以詔王聽治

註敘六敘按夫宰佐王聽治故宰夫敘羣吏之

治此則直掌其敘之灋有灋則敘有次第而王可隨敘聽之納者奉命治事既事而復命訪者未事而請命於

王也詔亦因

敘灋詔王

凡命諸侯及孤卿大夫則策命之

內史近臣之貴者諸侯孤卿大夫位尊特令書

王命於策以命之如王親命也策編合眾竹策爲之諸侯自上公九命及子男五命有君道孤上該三公八命孤與卿六命大夫四命皆王所尊禮位尊者辭多故必策命也不及士命以位卑且侯國之卿於王朝爲士諸侯繼世則有舊臣新受封於策中包之公孤無士卿大夫屬士亦具策書公孤至大夫采地之士皆自辟除貴者如都家宗人司馬朝大夫家則都則亦具策命中

凡四方之事書內史讀之

四方兼內外諸侯事書有事以書奏白於王四方事書進於內

史內史讀之者欲聞王且令舉朝知之

王制祿則贊爲之以方出之

制祿制公孤卿大夫之祿也八枋祿灋掌於內史贊者據

祿灋以贊王也鄭司農云以方出之以方版書而出之按僅書大數故書方出之授司祿也王朝公孤卿大夫之祿以三等采地爲差所封畧倣王畿之制則圖籍亦繁皆司祿授之也惜文闕不可考耳 ○賞賜亦如之項平父曰賞賜或土田或車服或器物按賞賜亦書大數於方而出之如賞土田則司勳更授版籍車服器物各因有司

內史掌書王命遂貳之

爵祿賞賜既書王命又書其貳藏之以備勘核

○外史掌書外令

註王令下畿外按此及下四方使書皆有副貳卽四方之志皇帝之書及書

名至繁咸書版策而此官惟上士四人中士八人下士十六人而無府史無史則役御史之史以御史贊書史



百二十人也。無府者外令使書之。貳入於內史。即國令中事。方志三項。則入御史。魯哀時桓僖災。南宮敬叔令出御書。即御史藏書也。王朝之制。通於侯國。故事同耳。

掌四方之志

註志記也。若魯春秋。晉乘。楚檮杌。

○掌三皇五帝之書

註三墳五

典

掌達書名於四方

註古曰名。今日字。使四方知書之文字。能讀之。徐氏曰。掌四方之志。則徧知

政俗之舊。掌三皇五帝之書。則上攷古昔之所行。掌達書名於四方。使書同文。士民誦習多也。

若以書使于四方。則書其令

使所吏反。註書王令以授使者。王光遠曰。掌外令故也。

○御史掌邦國都鄙及萬民之治令。以贊冢宰

治令治民之令。如司

會令田野令民職治邦國之民有令治都鄙之民有令萬民之治令。則治郊甸之民之令也。其令掌之冢宰而

御史贊之者贊助也。令出自冢宰。其辭則御史參贊而令其史書之。前內史云：執國灋。國令之貳。國令卽此治令。既書令以下邦國都鄙萬民。又將書其貳以入內史。其事至繁。故御史中士八人。下士十六人。史至百二十人。又御者隨侍之義。御史位卑而近王。令之參贊既不嫌制馭冢宰。並冢宰亦不嫌自擅。又便入貳於內史。斟酌盡善。○凡治者受灋令焉。承上又總括之外此若治之道也。○凡治者受灋令焉。山林川澤百工商賈者準此矣。云灋令見其必遵註。○掌贊書。吳氏曰：內史書王命。外史書外令。御書治之灋令。來受則授之。○掌贊書。數所主反。此亦書之於版而史贊之書。○凡數從政者。數所主反。此亦書之於版而藏之者。公卿至庶人在官皆從政者也。王必知其多寡之計。凡者總數。如公凡幾。孤凡幾。訖府史胥徒各得如千數也。數者分數。如其職中大夫如千。下大夫如千。上中下士各如千。府史以下又各如千也。書此而藏之。御史府凡在版者。王得指臂使之。庶具張而祿無冒濫胥以此。

○巾車。掌公車之政令。辨其用。與其旗物。而等敍之。以治其出入。此節爲下總綱。註。公。官也。蓋別於私室之車。公車固重路。然喪車及服車良散。皆公車也。辨用與旗物等敍。及治其出入。皆政令中事。

王之五路。一曰玉路。錫樊。纓十有再就。建大常十有二旒。

以祀。

錫音陽。樊步干反。旒音流。路大也。王車爲路。卽路寢路門路鼓之義。註。玉路以玉飾。錫馬面當盧。

刻金爲之。

所謂鑲錫也。按玉路馬首之飾以韋爲馬勒夾面。畫龍形。當領下垂朱飾於兩旁。在領夾金鉤。當盧。

又有錫也。

註。樊讀鞶。馬大帶也。纓馬鞅。按玉路至革路。樊及纓皆五采條。繩飾之。玉路至尊。故十二就就成也。

大常。畫交龍。

又加日月星三辰者。十二旒。天辰全數。樊纓十二就。地辰全數。註。正幅爲繆。旒屬焉。按公車莫尊。

於王路。

而五路玉路最尊。錫樊纓十二就。車物第一等。大常十二旒。旗物第一等。以祀則用亦第一等。故首列。

其敘不以  
封諸侯也  
○金路鉤樊纓九就建大旂以賓同姓以封

註金路以金飾按鉤夾領爲金鉤也金路去錫著鉤馬

旂設飾殺於玉路者一樊及纓五采條飾之而九成大

旂繆畫交龍卽太常之去日月者不言旂因就而推且

金路以封同姓而爵命異如虞虢九命則九旂魯侯曹

伯則七旂子男則五旂樊纓就數亦因之差降也下象

路大赤封異姓者準此註賓會賓客按金路次玉路鉤

樊纓九就車物第二等大旂九旂旗物第二等以賓則

用亦二等以封同姓隆宗支之義也樊纓之就天子每

就五采上公侯伯三采子男二采或云杞宋上公亦

當如同姓曰二國先王之裔統承先王修其禮物杞乘

鉤車宋則乘大輅○象路朱樊纓七就建大赤以朝異

姓以封朝直遙反。註象路以象飾按象路去錫又去

鉤但以朱帛爲飾垂龍勒之下而已殺於玉路

者二樊及纓五采條飾之而七成註大赤九旂之通帛

按赤周所尙大常大旂皆以赤帛繪之大常交龍加三

辰大旂去三辰此則並交龍不繪者以樊纓就數差之  
王路大赤七旂異姓王甥舅及先世昏姻疏遠者皆是  
蓋與同姓錯趾同封侯甸男三畿之地者周道所謂親  
親也註朝日視朝按象路次金路朱樊纓七就車物第  
三等大赤七旂旗物第三等以朝則用亦第三等而  
以封異姓重姻親也三公亦當乘路或象路與 ○  
革路龍勒條纓五就建大白以卽戎以封四衛龍如字  
條當作  
樊。註革路鞅以革而漆之無他飾疏玉金象三者皆  
以革鞅此革路無他飾則名革路也勒馬頭絡銜按龍  
如字以韋爲勒夾馬面畫龍而已又去下朱幘也殺於  
玉路者三條樊字之誤樊及纓以五采條飾之而五成  
註大白殷旗卽戎兵事按四衛四面周侯甸男三畿之  
外者內采畿外蠻蠻言衛舉中也大白旂數以樊纓之  
就差之王路亦當五旂四衛所封不過子男五采五旂  
皆適與命數相宜革路次象路龍勒樊纓五就車物第  
四等大白五旂旗物第四第以卽戎則用 ○木路前樊  
亦第四等而以封四衛殺於同異姓也

鷁纓建大麾以田以封蕃國

前當作鷁戶篤反。註

按卽殷路也不言勒以素韋爲勒而不畫龍也殺於玉  
路之飾四註前讀翦淺黑也按木路以淺黑飾韋爲樊  
鷁色黃以黃飾韋爲纓也不言就去五采條飾也攷郊  
特牲禮器錯見木路樊纓就數自一就至三就五就七  
就而不及九就以五路差之有九就可知王樊纓並一  
就不用則又損殷制耳大麾色黑無旂註夏所建田田  
獵按不言以鷁文畧蕃國夷鎮蕃三畿也舉外包內封  
蕃國樊纓當二采五就大麾五旂木路次革路居末前  
樊鷁纓車服第五等大麾不旂旂物第五等以田則用  
亦第五等以封蕃國以居中國之外故也按大旂以  
下四旗不著旂數長孫如曰準諸大常十二旂予聞之  
憬然思秋官司儀上公建常九旂侯伯七旂子男五旂  
以下各因命數則天子所建皆當十二旂矣不著旂數  
者旣上準大常又封爵命有降殺旂數不能畫一也或  
曰樊纓何以降曰雖降而仍有不降者存九七五等降  
殺也而每就皆條繩五采仍不降殺矣猶王冕旂數不

同而一旂之元冕亦十二就則仍不降殺此五路之旗  
大常以赤帛畫三辰交龍大旂則惟畫交龍大赤又去  
交龍不畫而止於赤帛大白又降赤而用白大麾更降  
而黑色差降凡四使不準十二旂何以表天子之尊故  
五路之旗皆十二旂無可疑也或曰考工四旗何以旂  
數不同曰彼前後左右軍所建取象列星故旂數不同  
王路所建表至尊也安得不十二旂邪予欲更前說如  
曰當並存五路王乘封國用等秩然等敍之政令也  
又禁諸侯不得僭差

王后之五路重翟錫面朱總厭翟勒面績總安車彤面鷩

總皆有容蓋重直龍反錫音陽總麤叢反音忽字作總厭奄接反績戶對反鷩鳥兮反翟雉羽

重翟車蔽重翟羽爲飾也厭翟迫促翟羽使相厭也註  
安車坐乘車凡婦人車皆坐乘按云安車無翟飾也面  
馬面飾左右當頰上當額皆韋爲之錫面三處皆以鍤  
錫爲飾也勒面或如龍勒畫龍於韋影面但畫之殺於

勒面也鄭司農云總以緡爲之總著馬勒直兩耳與兩  
鑣按夾鑣又垂餘爲幘詩朱幘鑣鑣卽朱總之下垂者  
朱總朱色緡爲之註續畫衣鄭司農云驚青黑色按以  
續緡及青黑緡爲總也容卽帷裳蓋卽車蓋註重翟后  
從王祭祀所乘厭翟從王賓饗所乘按安車北宮大寢  
與夫人嬪婦治事所乘經不及侯國夫人碩人之詩翟  
蔽以朝則夫人所乘亦因后路差降矣竊意亦當以同  
姓異姓四衛蕃國爲差等惟重翟最尊非夫人所得乘  
耳后以下三夫人亦 ○翟車貝面組總有握握當作幘  
當乘路或安車與 ○翟車貝面組總有握註翟車  
不重不厭以翟飾車側鴈按貝面以貝綴韋爲馬面飾  
也握當作幘以緡爲之形如屋然有幘則上不有蓋下  
不必有容矣註后乘以出 ○輦車組輓有嬰羽蓋輓音  
桑按組緡織組爲總也 ○輦車組輓有嬰羽蓋晚嬰  
所甲反○輦步輦人輓之行者註輦車漆之而輕輪有  
嬰禦風塵羽作蓋翳日也按組輓以織組繫車而人輓  
之前當人胷後當肩背以前引而後推也蓋建於車嬰  
則人持之以從行用組輓車輦輕組有文也蓋進御於



小寢所乘。后五路等差。秩然用亦可推。亦等敍之。政令也。王路后路。典路專司。第典路不受車於冬官。而受之巾車。有弊毀。仍歸巾車。所謂治其出入也。允政台所係。王四路賜諸侯。后四路當賜夫人。此則巾車所掌。無關典路者。

王之喪車五乘。木車蒲蔽。犬禭尾繫疏飾。小服皆疏。

乘繩證反

下同。禭莫歷反。繫音羔。○喪車下達繫。王統於尊也。木車以木為車而無飾者。蒲蔽蔽禦風塵。以蒲為之。則至粗。禭覆笄也。註犬白犬皮。既以為覆笄。又以尾為戈戟之幾。按犬尾不可以為韜。當是縫之如尾形耳。疏。韜布也。飾緣也。以疏布為禭韜緣也。註服讀簾。小簾短兵衣。按皆疏短兵衣。皆用疏布。不用犬皮也。註此始遭喪所乘。君道尙微。備姦也。○素車。焚蔽犬禭素飾。小服皆素。焚奉云反。讀為殯音。煩。○註素車以白土塗車。焚讀殯。殯麻為蔽。按犬禭包尾。囊易疏布緣為素。殯緣也。皆素者。短兵衣全用素。殯

註此卒哭所乘按卒哭時君道亦未著在車亦不得去戈戟 ○藻車藻蔽鹿淺禭革

飾藻藻音早。註藻水草蒼色以蒼土璽車以蒼繪爲蔽也鹿淺禭以鹿夏皮爲覆笈又以去毛者緣之此

旣練 ○驪車藻蔽然禭髮飾驪莫江反藻音凡髮香求所乘 ○驪車藻蔽然禭髮飾反。驪車色驪雜蓋漆飾

而兼白黑者註翟細葦席然果然猿屬髮赤多黑少之色韋此大祥所乘 ○漆車藩蔽豸禭

雀飾豸午且反。註漆車黑車藩今小車藩漆席爲之豸胡犬雀黑多赤少之色韋此禪所乘 疏天子

至士喪車五乘尊卑等大夫士禪亦得乘漆車按知五等諸侯準此矣不見后喪車同於王也而制則有異諸

侯夫人及卿大夫士之妻皆準此王喪車五乘等差狀然用亦可推亦等絃之政令

服車五乘孤乘夏篆卿乘夏纁大夫乘墨車士乘棧車庶

人乘役車五乘已下竝如字夏戶雅反篆直轉反纁莫干反棧仕版反。服車服公事之車有事於

公家乃給在賜車之外者夏五采色卽夏翟之夏夏篆篆刻轂約而五采畫之夏緞五采畫而無瑑墨車革輓而漆之不畫也註棧車不革輓而漆之役車方箱載任器以供役按服車朝有政事乃頒卽庶人役車亦以供役給者服車五乘等差秩然等敘之政令也疏后別見車五乘此孤卿以下不見婦人車者婦與夫同故昏禮婦車亦如之按制○凡良車散車不在等者其用無亦有異別於男子車○凡良車散車不在等者其用無常上經服車分五等惟公事給用此良散二者則隨事給用不必因政事也良車工良散車工沽良給居官散給府史以下於此見用等

凡車之出入歲終則會之

會古外反。註計其完敗多少疏出給官用入用罷歸官按

此二十一字及下歲時

○凡賜闕之註完敗不計按王

九字總出入之政令

賜服車則夏篆至棧車皆可賜疏賜後

完敗隨彼在官不須知故闕之不會計○毀折入齋手

職幣。

杜子春日齋讀資財也。乘官車毀折者入財以償。繕治之直。按乘用不善故責償。若應做則更續之。

又按大射儀巾車與量人張三侯。此不及意天子諸侯禮異與。

大喪飾遣車。遂厥之行之。

遺溪現反。註。厥興也。陳駕之行之使人舉之如墓也。遣車一

日。駕車按卽五路。但皆明器耳。后喪遣車飾重翟以下準此疏。遣車遣送入壙者按飾設玉金象及錫鈎等飾。

大喪及小喪喪紀之聯事也。

○及葬執蓋從車持旌。

柩路設帷荒無從建蓋旌者銘

旌巾車下大夫二人從柩時一執蓋一持旌也。旌在柩前。

○及墓嘯啓關陳車。嘯音呼。

註。關墓門按車卽上遣車將納於壙中。先陳之表儀且令納壙有序。

○小喪共匱路與其

飾。註。匱路載柩車按男小喪畧準金路以下女小喪畧準厭翟以下飾馬飾大喪共柩路於此例見共飾同。

歲時更續共其弊車。

更音庚。歲一歲時四時更舊易以新續毀折修令完好可續用也。舊車

及毀折不可復用者為弊車共令乘者共之或財料可更用且防詐偽也

大祭祀鳴鈴以應雞人

大祭祀雞人呼旦鳴鈴以應警眾使早至也鈴者車和鸞此祭祀

之聯事

○典路掌王及后之五路辨其名物與其用說

說吐活反又書銳反

下同。註用有朝祀之事而駕之按當主玉路用之於祀等駕則於用兼之鄭司農云說舍車也按名玉金象及重翟厭翟等名物如錫鉤樊纓就數錫面勒面朱纁纁總等物辨其名物用乃不差忒也

若有大祭祀則出路贊駕說

王出五路皆從言大祭祀舉重註贊駕說贊僕與趣馬也

○大喪大賓客亦如之

註出路當陳之鄭司農云書顧命曰成王崩康王既陳先王寶

器大路在賓階面贊路在阼階而先路在左塾之前次路在右塾之前按此據大喪大賓客陳路無見夾然大

賓客大朝覲也。旅見列辟於祖其典鉅其禮重矣。故亦如大喪陳車也。

凡會同軍旅弔于四方以路從。

註王乘一路典路以餘路從亦以華國易彥祥曰因

會同軍旅行弔事

○車僕掌戎路之萃。廣車之萃。闕車之萃。萃車之萃。輕車

之萃。

萃同倅七內反萃泊清反一作駢。萃當作倅。副也。註戎路王在軍所乘廣車橫陳之車闕車補闕

之車萃猶屏也對敵自蔽之車輕車馳敵致師之車按王在軍乘戎路廣闕萃輕四車皆倅戎路者也王親歷行陳兵凶戰危特簡雄武之臣乘此四項車以自衛則所謂戎路之倅者即此乘廣闕萃輕四車之正者也又慮四倅勢孤又選庶子中材力異等者各從數十車以倅之所謂廣車之倅闕車之倅萃車之倅輕車之倅也軍旅兵車用廣故設專官戎路掌於典路出自巾車此戎路四倅及各倅車皆此車僕專掌與巾車絕無交關

不入大司馬以  
從戎路故耳

凡師共革車各以其萃

凡師王不親戎也革車不出廣關萃輕四正四倅凡師共之慎戰也

會同亦如之

會同未必用兵有征伐亦多命諸侯耳亦共革車各倅至尊親出不可失備也

大喪厥革車

此革車即廣關萃輕四車但皆明器耳言興革車則亦飾之行之啓關陳而納之可知倅

車不出巾車故車僕自廢車也王喪遣車十二乘

大射共三乏

統革車用革乏亦用革故使共之大射共乏賓射燕射亦使共矣言大射舉尊者言按大

射張六侯賓射亦然不云六乏而云三乏舉王親射之三侯也

○司常掌九旗之物名各有屬以待國事日月爲常交龍

爲旂通帛爲旛雜帛爲物熊虎爲旗鳥隼爲旗龜蛇爲

旒全羽爲旒析羽爲旒

旒之然反隼息允反旒音遂。物日月交龍等

象通雜等帛及全羽析羽皆是名卽大常等名也屬猶繫屬如從王則屬大常從諸侯則屬大旅國事卽祭祀會同賓客等事惟各有屬以待事庶大眾咸集而不亂大常第舉日月包五星十二辰亦有交龍註通帛大赤周正色無飾雜帛帛素飾其側殷之正色按中周帛赤四邊以商帛飾之交龍之旅象東宮七宿熊虎之旅象西宮七宿鳥隼之旅象南宮七宿龜蛇之旅象北宮七宿全羽之旒象德析羽之旌象武註全羽析羽皆五采繫注於干首按周旗帛皆赤惟革木二路之大白大麾一白一黑有異耳然惟尋常出朝乘路建之至大事所在王所乘必建大常從路四乘易以旌旌二者以白爲金色爲赤火色所勝黑爲水色又勝赤火色也并大旒大赤亦易之下經諸侯建旒孤卿建旌恐相淆亂耳疏云二者有羽無帛可謂卓見旌旗旌旒尊卑固異亦主左右前後營陳曲禮曰前朱鳥後元武左青龍右白虎招搖在上急繕其怒招搖畫北斗亦天象降於大常者



也

及國之大閱贊司馬頒旗物王建大常諸侯建旂孤卿建

旛大夫士建物師都建旗州里建旗縣鄙建旂道車載

旂旂車載旂

里當作閭。四時講武莫盛於仲冬大閱故司馬旗物之頒特以專官贊之王乘革

路而建大常者表至尊統諸侯以下親帥四倅以大僕戎僕戎右司右虎賁旅賁車僕及虎士士庶子之精勇以督戰也諸侯畿內諸侯食采大都者建旂旂象蒼龍將左軍也諸侯有大都之眾帥之以將左軍將必命卿孤卿爲軍帥者簡已小都之精勇爲親軍建旛表軍將也大夫士孤卿屬貳卽六官中大夫二下大夫四上士八中士十六下士三十二人也官正爲軍將屬貳卽合眾家邑之兵庶子乘車民徒爲卒以從其正物下於旂建物表屬貳卽中軍也中軍二建知其師獨盛畿內師都至眾此則以小都之主率小都之眾建旗旗象白虎

表右軍也。州里里當作閭。因下州里而誤。州閭鄉屬王城。中及近郊之眾也。六鄉訓練尤周而知義。可以推折敵鋒。旗象朱鳥。建旗表前軍也。縣鄙遂及甸之眾也。遂與甸之眾拔擊。通於鄉而能守。旒畫龜蛇。龜蛇善守。元武之象也。此表後軍。自大常至旒。皆以位之尊卑敘列。故中軍居諸侯之下。大夫士則中軍之屬也。故先於師都。若前後二軍。則皆大夫將之。故後敘而居末。載旒載旗。則王之從路。道車象路也。上兼金玉二者。旂車王以田以鄙之車。木路也。上該革路金玉象。又曰德車。革木又曰武車。大閱既用革路。建常而大旂大赤。又建於諸侯軍將所乘。大白大麾二者。其色又與周旗之色相戾。故於表德三車。則載旒旒全羽。卽結旒。揚武之車。則載旒旒析羽。卽綏旒。旂車該革路而載旒。知上大常亦注旒於干典路云。凡會同軍旅。弔於四方。以路從。大閱軍旅大事。軍容最盛。必全備五路。以肅觀瞻。可知矣。賈氏公彥謂道車載旒。旂車載旒。非爲軍事終誤不可從。

○皆畫其象焉。官府各象其事。州里各象其名。家各象



周者畫周原之象號岐者畫岐山之象也各象其號者諸侯帥大都將左則以大都號象畫於旂大夫以家稍爲中軍之眾則以家稍號象畫於物孤卿帥小都爲親軍而統中軍之眾則以小都號象畫於旂師都亦小都小都方三十二里不能具軍故曰師都此師都卿也帥小都之眾以將右則以小都號象畫於旂如此則王親軍帥親軍中軍與左右前後四軍皆從其旗而作止進退開閣縱橫趾趾不亂帝王之師分數明而指揮如志以此按夏官大司馬仲秋辨旗物旣列七旗卽曰皆畫其事與其號則畫象於旗顯然矣註疏另作別物解誤也

凡祭祀各建其旗

祭祀外神建旗於壇壝之外內神於廟門外王建大常諸侯同姓建旂異姓建

旂大都建旂小都建旂孤卿亦建旂大夫士建物四衛建大白蕃國建大麾令各帥其屬就旗爲位次而不勞也

○會同賓客亦如之置旂門

會同建壇外賓客建廟門外亦如祭祀也賓諸

侯客諸侯介掌舍王會同為帷宮設旌門王暫止處張  
帷為宮則以析羽之旌表門也疏掌舍設之此官供旌

大喪共銘旌

註銘旌王則犬常士喪禮為銘各以其物按司常共之小祝直之巾車持之以先柩言旌

有羽可知然旌旌耳

○建廡車之旌及葬亦如之

疏在廟陳時以廡旌建於遣車

葬亦如之入壙亦建之

按此旌明器巾車廡路玉金象廡旌旌革木廡析羽之旌車僕與四倅革車亦廡析羽

凡軍事建旌旗及致民置旗弊之

此司常為王建之者致民置旗弊旗皆先司馬

等

甸亦如之

甸音田

凡射共獲旌

夏官服不氏射以旌居乏而待獲即此旌也天子射獲旌不見於經以諸侯之旌差之國

中射或全羽五采之翻旌射於郊或析羽五采之旌在竟及射於竟外或用犬常

歲時共更旌

更音庚。註取舊于新按舉旌該旗

○都宗人掌都祭祀之禮。凡都祭祀致福於國。註都或有山川及因

國無主九皇六十四民之祀王子弟則立祖王廟其祭祀王皆賜禽主其禮者警戒之糾其戒具來致福則帥以造祭僕按大宰以八則治都鄙一曰祭祀以馭其神此都宗人及下家宗人掌其祭祀之禮正馭之首事凡祭皆致福者重祀禮恭上且見順則也

正都禮與其服。本專掌祭祀之禮此正禮與服則兼職也。曰正都禮則不特土之所行凡官屬庶民之禮亦正可知大宰八則六曰禮俗以馭其民此亦其事註服衣服及宮室車旗按亦當兼官屬及庶民民亦有宮室及乘車

若有寇戎之事則保羣神之墳。守山川邱陵墳衍及在外社稷之壇域

國有大故則令禱祠。既祭反命于國。令令都也以王命令之既禱祠即反命祭

獲福而報也。既禱獲福，命報祭。又令之而反命也。以下例之，知如此。

○家宗人掌家祭祀之禮。凡祭祀致福。

註：大夫采地之祀與都同。若先王之

子孫亦有祖廟。按三節與都盥同。知寇戎保神，境亦可例推。

國有大故，則令禱祠反命。祭亦如之。

註：以王命令禱祠歸白王於獲福。又以王

命令祭之。還又反命。

掌家禮與其衣服宮室車旗之禁令。

都言正此言掌都言服此並及宮室車旗

而又著禁令文稍錯出而義同。蓋正者因掌而正。掌則掌其正也。且所謂令者正者令之禁。禁其不正也。皆正之實事也。天子為百神主。天下神亦皆王所當祭。但不能一一親主。故王畿以外領於諸侯。至狩時所經凡在祀典者無不祭告。此都家之神在畿內而亦不能徧親。故特設宗人以掌之。有寇戎則命之保守。有大故則

命禱命祭奉神固至虔也上下和悅而四時臻福有以也夫

○凡以神仕者掌三辰之灋以猶鬼神示之居辨其名物

附三辰皆十二支辰在天爲元枴星紀十二辰卽西灋之宗動天一日一旋歷萬古而不移者也在地爲四正八隅十二辰居天之下方位一定亦亙古不易若同此十二辰而歲歲差移六十二年差一度六百二十年差十度一千八百六十年差一宮者則今西灋分布二十八星之列宿天列宿分布於人正圖亦有定位如虛日居子牛金居丑尾火居寅房日居卯亢金居辰翼火居巳張日居午鬼金居未觜火居申昂日居酉婁金居戌室火居亥若南北東西不可稍易無如歷年退轉周初女二直子初今則箕一當之則上與天辰下與地辰相去遠矣況天地二辰雖定位不移而亦不相直天位進而前地位退而後卽以天地之子而論天之子元枴也地之子正北也而天之元枴前當地辰之丑半後當地辰之子半合十二位皆然非三辰不同之明驗邪按此



三辰以列宿爲主在天者自大帝五帝及風雷雲雨六  
甲二乙日月帝車各呈其象在地者自北斗所主地域  
外若天市二十二星婺女十六星其他南北河四瀆關  
梁道路明堂太廟社稷一一具備在人則帝王五侯將  
相卿士宦者騎官及郎將郎位丈人子孫一一具備在  
物則蒼龍在東朱鳥在南白虎在西元武在北天廡主  
馬天苑主獸龜鼈蛇蟲匏瓜入穀芻藁及車旗斗斛尊  
牀坐席鎖鑰鈇鉞皆纖悉不遺然且上合天辰下主地  
辰合天辰者如女虛危應元枵建牽牛應星紀尾箕應  
析木氐房心應大火角亢應壽星翼軫應鶉尾柳張星  
應鶉火弧狼應鶉首參罰應實沈胃昂濁應大梁奎婁  
應降婁室壁應娵訾是也合地辰者如昂濁管正北趙  
奎婁管東北右地燕室壁管東北左地衛女虛危管正  
東齊魯建牽牛管東南左地吳尾箕管東南右地越氐  
房心管正南宋角亢管西南左地韓翼軫管東南右地  
楚柳張星管正西周弧狼管西北左地秦參罰管西北  
右地晉是也九州地域不同人鬼天神地示殊別人鬼  
則秦厲公厲族厲因乎國邑天神則齊魯宜祀女虛危

晉宜祀參罰地示則各因四方之神以祀之而山川亦隨其地故必掌三辰之禮乃有以知之而其居可猶也猶圖謀居卽壇壝兆域名物卽因國帝王諸侯大夫之名號女虛危等星名四方山川之示名也鬼兼物魁物魁亦繫屬於天如列宿中諸星是也各有次舍之別故亦當猶其居而辨其名物也

以冬至致天神人鬼以夏至致地示物魁以禴國之

凶荒民之札喪

魁魁秘反禴古外胡對二反札則八反此皆推驗三辰之變知某地當凶荒

某地當札喪而會聚以消之故曰禴神陽示陰人鬼與物魁本陰然人鬼靈而明物魁昧矣故魁從示而鬼從神也冬至日躔元枹之中當地辰子末周初列宿直女一陽於此始生故致天神人鬼而祭之夏至日躔鶉火之中當地辰午未周初列宿直注一陰於此始生故致地示物魁而祭之此非南北郊也二郊常禮此因謫見三辰而祭通及畿內都鄙至畿外列邦天子之禴自大神大示以下而人鬼物魁一一及之諸侯以下則因地

所主而大神大元不敢祭也人鬼及先世之王物鬼亦視地物所有

周官心解卷第十六

終

周官心解卷第十七

諸暨楊莊蔣載康闡訂

夏官司馬第四之一

夏火明盛威烈司馬明法律以御兵眾又以九伐之灋征天下盛夏

之象也故曰夏官必以司馬名官天子曰萬乘諸侯曰千乘大夫曰百乘皆主於馬故曰司馬也

惟王建國辨方正位體國經野設官分職以爲民極乃立

夏官司馬使帥其屬而掌邦政以佐王平邦國

政正也平時內

正百官之朝位外以九灋正諸侯之國有不正則起軍旅而行九伐之灋所謂邦政也屬小司馬以下至下士平邦國自王國及諸侯胥令無敢反側呂伯恭曰夏后氏命允侯掌六師舉政典以誓眾則邦政之掌於司馬舊矣

政官之屬。大司馬卿一人。小司馬中大夫二人。軍司馬下

大夫四人。與司馬上士八人。行司馬中士十有六人。旅

下士三十有二人。府六人。史十有六人。胥三十有二人。

徒三百有二十人。行戶郎反。軍司馬政官之攷也。在教典曰鄉師。禮典曰肆師。刑典曰士

師。事典曰匠師。惟治典與此政典。一曰宰夫。一曰軍司馬。蓋治典以無所不宰而異。此又以治軍而異也。軍中

有車有徒。與司馬主車。行司馬主徒。此宰夫所謂司也。司亦別立名。亦以治軍故。以府史胥徒例五官。史多四

人。胥多二十人。徒多二人。亦以治軍事繁也。○凡制軍萬有二千五百人爲

軍。主六軍。大國三軍。次國二軍。小國一軍。軍將皆命卿。

二千有五百人爲師。師帥皆中大夫。五百人爲旅。旅帥

皆下大夫。百人爲卒。卒長皆上士。二十五人爲兩。兩司

馬皆中士。五人爲伍。伍皆有長。

將子匠反。帥所類反。長知丈反。司馬治軍故

特詳軍制。首言一軍之制。見王六軍及大國以下三軍二軍一軍皆以此爲準也。夫六軍三軍二軍一軍皆以鄉民居郊地者言。總其全則何止於此。考王國郊地四同出六軍則甸地十二同。可三倍六軍。都鄙八十四同。更可得二十一倍。以諸侯差之。大國公地二十五同。其眾得天子四分之一。侯地十六同。分天子十分之一。而贏其半強。次國伯地九同。分天子十分之一。弱小國子地四同。正合郊地之數。眾亦略備六軍。男地一同。亦分天子百分之一。第取六軍三軍二軍一軍者。止以在鄉正軍爲調發之數也。而天下之軍數已如示掌矣。軍將以下。以一軍爲六軍。三軍二軍等定法。以萬有二千五百人爲軍。則二千五百人爲師者。五。一師五族。五師則二十五族。五百人爲旅。一族五卒。二十五族則一百二十五卒。百人爲卒。卒則四兩。一百二十五卒則五百兩。

二十五人爲兩兩卽五伍伍爲五人五百兩則二千五百伍也由是遞相臨制伍聽於伍長而伍長又聽於兩司馬兩聽於兩司馬也而兩司馬又聽於卒長卒聽於卒長也而卒長又聽於旅帥旅聽於旅帥也而旅帥又聽於師帥師聽於師帥也而師帥又聽於一軍之將分數明而尊卑辨如身之使臂臂之使指其以此哉命卿以下兼王臣及諸侯之臣說王軍王之孤卿將之諸侯之軍則諸侯之卿將之師帥旅帥爲中下大夫而卒長兩司馬爲士師旅所統眾卒兩所領少也伍長領五人然伍出於比比長下士而此僅言長蓋赴敵必取壯勇或比長已老則取無爵者易之且諸侯之臣○一軍則小國之士不命不容稱士於王臣之前也

二府六史胥十人徒百人

此臨事乃置如六軍則十二府三十六史六十胥六百徒

矣三軍二軍

從此差之

司勳上士二人下士四人府二人史四人胥二人徒二十

人軍事急賞故司勳列職於政典而次亦最先也然司  
士掌羣臣之版又掌詔爵詔祿與食之事亦政典中  
職也司勳掌賞  
列職於此宜矣

馬質中士二人府一人史二人賈四人徒八人質如字賈音古。爲

下有受馬於公以任使令者故設此官有賈知馬善惡且兼市買

量人下士二人府一人史四人徒八人量音良。量人所掌蓋司馬制畿封

國中事而營軍壘於政典尤切要故於此列職○小子下士二人史一人徒八

人司馬祭祀奉羊小子主羞羊牲而羊人共之故相次列職○羊人下士二人史一

人賈二人徒八人賈音古

司爐下士二人徒六人爐古喚反。夏官火行之官也司爐主火故於此列職



賁固上士二人下士八人府二人史四人胥四人徒四十

人註固國所依阻者也國曰固野曰險按掌固掌城郭之固司險司山川之險皆司馬守政中事故職相

次也○司險中士二人下士四人史二人徒四十人○掌

疆中士八人史四人胥十有六人徒百有六十人註疆界也

按掌疆當是掌疆界上之官兼守與達道路者惜文闕不可考耳○候人上士六人下

士十有二人史六人徒百有二十人候人在疆司斥候者故與掌疆連職

有方治師致而送其兼職也斥候俗作候

環人下士六人史二人徒十有二人環人所掌皆用武中事固軍事所需也故

列於司馬鄭剛中曰夏官環人掌軍中循環往來無不察之事秋官環人掌送迎賓客循環往來皆以循環

為義軍中環人戰攻則置之非如秋官掌送迎之職

挈壺氏下士六人史二人徒十有二人挈苦結反。挈壺氏世掌刻漏而軍

中聚櫟尤重縣壺況令井等事皆掌之故列職於司馬

射人下大夫二人上士四人下士八人府二人史四人胥

二人徒二十人射政司馬所掌而司馬事繁故設射人專掌之服不氏射時待獲射鳥氏射時

取矢故二職皆相次○服不氏下士一人徒四人○射鳥氏下士

一人徒四人射常亦反○羅氏下士一人徒八人註郊特牲大羅氏天

子之掌鳥獸者按羅氏羅鳥掌畜養鳥鳥羽物月令夏蟲羽故列職夏官○掌畜下士二

人史二人胥二人徒二十人畜許六反

司士下大夫二人。中士六人。下士十有二人。府二人。史四

人。胥四人。徒四十人。

司士掌士而羣臣之版通掌之爲國有故司馬得據以平守也況司

士掌治朝之位與射人大僕掌內朝職同二官皆列職夏官故司士亦於此列職也

○諸子下大

夫二人。中士四人。府二人。史二人。胥二人。徒二十人。

諸子

掌國子之教治有事帥國子從大子守有甲兵之事則授車甲以共守宜在夏官

○司右。上士

二人。下士四人。府四人。史四人。胥八人。徒八十人。

司右掌凡

戎車之右宜在夏官

虎賁氏下大夫二人。中士十有二人。府二人。史八人。胥八

十人。虎士八百人。

賁音奔。虎賁氏與虎士守南宮出則從衛王與旅賁氏同故二職相次

○旅賁氏中士二人下士十有六人史二人徒八人○

節服氏下士八人徒四人

節服方相皆微職從虎賁等後以世職相次也然節服執

戈送逆尸與方相執戈揚盾皆武事故次列於夏官

○方相氏狂夫四人

相息亮反

犬僕下大夫二人小臣上士四人祭僕中士六人御僕下

士十有二人府二人史四人胥二人徒二十人

犬僕音泰○犬

僕掌守南宮路寢內朝閒事皆掌之小臣則給事路寢者祭僕司警戒祭祀允南宮近王之職御僕爲大僕守路鼓三官皆屬犬僕故從列職也犬僕爲南六寢尊官與內宰爲北六寢尊官同故內宰之下有內小臣大僕之下有小臣內宰職分其人民而居之謂奄寺及士庶子守北宮者也而犬僕職文亦有御庶子其爲守南宮之屬可知矣  
○隸僕下士二人府一人史二人胥四人徒四

十人

此掌南宮五小寢之脩者與北宮之宮人一也然宮人掌六寢之脩則竝北宮之大寢此惟掌五小

寢而不及王路寢故宮人中士而此爲下士以僕名官屬大僕可知

弁師下士二人工四人史二人徒四人

弁皮彥反。司馬設儀辨位以等邦

國而儀等之別弁冕尤重不言冕而言弁兵事韋弁服於夏官列職也

司甲下大夫二人中士八人府四人史八人胥八人徒八

十人

甲兵弓矢皆司馬武備故相次於夏官惜司甲文闕

○司兵中士四人府二

人史四人胥二人徒二十人

此通掌在官戎車之兵盾

○司戈盾下

士二人府一人史二人徒四人

盾豎尹反。此專掌從衛王所用戈盾

司弓矢下大夫二人中士八人府四人史八人胥八人徒

八十人

此通掌大事禮事所用之弓弩矢箠

○繕人上士二人下士四人

府一人史二人胥二人徒二十人

此專供王游燕所用之弓弩矢箠

○

藁人中士四人府二人史四人胥二人徒二十人

藁音稿

藁讀犒掌犒勞弓弩矢箠工人鄭司農及註以為箭藁非是讀與地官藁人同此藁人下戎右上疑當補大

右中大夫二人上士二人大右已見司士文

戎右中大夫二人上士二人

註右參乘此戎路之右按五路之右允宜列職夏官

○齊右下大夫二人

齊側皆反金路之右

○道右上士二人

註象

路之右此道右之下疑當補田右上士十有二人

大馭中大夫二人

註馭之最尊按此馭王玉路者五路之馭故宜列職夏官

○戎僕

中大夫二人

此馭主戎路者

○齊僕下大夫二人

齊側皆反。註王將朝觀

會同必齊所以敬宗廟神明按此馭王金路者

○道僕上士十有二人

此馭王象路者

王朝朝暮夕駕稅事煩故馭僕最多

○田僕上士十有二人

疏人亦多者王四時田兼

圖固遊獵故也按此馭王木路者

○馭夫中士二十人下士四十人

參疏

校人良馬三十六匹一馭夫計良二千五百九十二匹則七十二馭夫又駑一馭夫主四百三十二匹駑千二

百九十六匹則馭夫三人并前七十五人與此不合者此序官脫十五人也按此不當有下士當作中士七十

五人此職亦當列趣馬之前此職之前當有僕夫上士十二人又脫簡也

校人。中大夫二人。上士四人。下士十有六人。府四人。史八

人。胥八人。徒八十人。

校戶教反。政典重馬凡兵車出於民者皆民自具此校人所掌則

王駕五路及給公卿大夫士庶子從行從戰與給役者也。此下脫僕夫上士十有二人八字。徒則未詳。又上田僕下馭夫中士七十有五人九字。當在此下。徒亦未詳。僕夫馭夫趣馬圉師圉人與巫馬牧師廋人皆其屬。故入職列。○趣馬下士阜一人。徒四人。趣七口反。一清須於其後。○趣馬二字。徒四人。下當補馮馬。趣馬十有八人。徒則未詳。下廋人下圉師圉人亦當移置此下。○巫馬下士二人。醫四人。府一人。史二人。賈二人。徒二十人。賈音古。巫馬知馬神者。馬犯神而疾。巫能禳之。有醫與醫同治馬疾也。有賣馬不可治。或死則賣之。須知馬價也。巫馬職文。○牧師下士四人。胥四人。徒四十人。主牧放馬。○廋人下士閑二人。史二人。徒二十人。廋所求廋之言數。○圉師乘一人。徒二人。圉人良馬匹一人。駕馬麗



一人。圍疑呂反乘繩證反驚音奴麗郎計反。圍師下  
當補良馬二字。徒二人下當補駑馬六麗一人其  
徒米詳麗耦也。圍師圍人亦當在  
懸馬之後。巫馬之前。又簡錯也。

職方氏中大夫四人。下大夫八人。中士十有六人。府四人。

史十有六人。胥十有六人。徒百有六十人。

職主也。司也。方方士九州。

之土壤。王畿九服之疆界。封之廣狹。國數之多寡。利之  
所有。職貢之不同。伯君若臣之賢否。功罪必一一知之。  
而不遺。非世官不可。故以氏名官。而曰職方氏也。職方  
所掌。大約皆大司馬九灋中事。施之得宜。而司馬之九  
伐。可以不用。尤重官也。故中大夫至四人。而下大夫八  
人。尊官之眾。莫有並於是者。而同利一舉。尤為天下所  
利賴。土方以下至擇人。皆  
佐職方。凡十職。故列職於下。○土方氏。上士五人。下士

十人。府二人。史五人。胥五人。徒五十人。

土方氏以土圭  
土地封國。又頒

土宜土化之瀟於所封之國。○懷方氏。中士八人。府四  
皆世事相承。故以氏名官。

人。史四人。胥四人。徒四十人。懷方氏來遠方之民。必達四夷之語者。故亦世職而

以氏名官。○合方氏。中士八人。府四人。史四人。胥四人。徒四

十人。合方氏達天下之道路。以通財利。亦非世職不可。○訓方氏。中士四人。府

四人。史四人。胥四人。徒四十人。訓方氏徧知四方之政事。心志與其傳道而訓

之。亦須世職。○形方氏。中士四人。府四人。史四人。胥四人。徒

四十人。形方氏制邦國之地域。必周知地形者。為之故。亦世職。此五氏皆佐職方。○山師

中士二人。下士四人。府二人。史四人。胥四人。徒四十人。

山師掌山林之在邦國而不入諸侯者。○川師。中士二人。下士四人。府二

人。史四人。胥四人。徒四十人。川師掌川澤之在邦國而不入諸侯者。○遼

師中士四人。下士八人。府四人。史八人。胥八人。徒八十

人。遼音原。遼師掌邱陵墳衍。原隰之未封者以待功德。○匡人。中士四人。史四

人。徒八人。匡人主匡邦國。而消其反側。○擯人。中士四人。史四人。徒

八人。擯同揔他南反。擯人主道王政志。以致民和說。此二職亦佐職方。

都司馬。每都上士二人。中士四人。下士八人。府二人。史八

人。胥八人。徒八十人。都司馬為畿內大小都治軍者。○家司馬。各使其

臣以正于公司馬。家司馬為家邑治軍者。

周官心解卷第十七終